

聖體圖

上海土山灣印書館發行

No 278

體

天主降生一千九百六年

江南主教姚 准

上海慈母堂重板

聖體月序

聖體有月乎。有也。何月乎。千九百年來。
無日無聖體。卽無月非聖體月也。旣如
是。何不稱聖體年乎。曰。泰西著作家。撰
終年思道之書。每日念聖體之恩。果有
名聖體年者。杖掠人之美。摭譯是編。祇
三十首。應一月之用。名之爲年過矣。名

之爲月。合其數也。然書以聖月名者多矣。如聖心月。聖母月等。皆歲用一月。而過此束之高閣。今聖體月一書。亦歲用一月乎。曰。歲用一月可也。歲用十二月亦可也。願善信之友。閱是編而玩味其意。或每日默想一二刻。或披閱於拜聖體時。或細覽於領聖體前。苟能默求上

佑。虛心受益。未有不感激情深。而敬聖
體倍切於往日者。吁嗟耶穌。施恩罔極。
貽己體血。爲人飲食。恒處祭臺。無間瞬
息。惜我愚蒙。鮮知報德。代有兇徒。立志
叵測。致辱聖躬。殊堪慘惻。欲挽回之。何
能爲力。著茲小本。詎矜一得。仰賴主仁。
敢祈鑒識。降福頻仍。垂宥愆忒。冀克有

終。誕登天國。

光緒十九年秋耶穌會後學李杅識

按是編之作。一則爲拜聖體用。一則爲默想用。一則隨時披閱。稍資敬慕聖體。如用爲默想題。當加想像求恩。一則想像可想見耶穌與十二徒。同坐廳中。立聖體大禮。或想身在聖堂。見司鐸行彌撒禮。求恩則不外乎二。一求天主。默啓心神。俾知聖體恩愛。一求天主。激發熱

衷。報愛聖體。恒致誠敬之情。并發之於實行。每次默想。或拜聖體後。可神領聖體一次。其經文如左。然口誦不足。又須心維之而發熱切情也。

嗚呼耶穌。我信爾在祭臺。愛爾於萬有之上。仰懇不棄卑微。臨格我心。自是逾常垂愛。終不舍我而去。亞孟。

目錄

- | | |
|-----|------------|
| 第一日 | 聖體預像 |
| 第二日 | 耶穌預許聖體 |
| 第三日 | 定聖體禮前事 |
| 第四日 | 定聖體禮時日 |
| 第五日 | 定聖體禮區所 |
| 第六日 | 聖體顯主全能全智全善 |
| 第七日 | 成聖體經 |
| 第八日 | 耶穌與宗徒領聖體 |

第九日

成聖血經

第十日

餅酒取義

十一日

耶穌定禮容止

十二日

續耶穌定禮容止

十三日

耶穌授成聖體權

十四日

彌撒奇效

十五日

領聖體大恩

十六日

領聖體大益

十七日

謝聖體熱情

十八日

聖體三職

十九日

聖體德表

二十日

耶穌在聖臺祈禱

廿一日

耶穌在聖臺喜樂

廿二日

耶穌在聖臺極愛

廿三日

聖體爲聖寵大源

廿四日

聖體結合人靈

廿五日

聖體爲常生真據

廿六日

聖體爲升天妙法

廿七日

聖體使人因耶穌而度活

廿八日

聖體安慰信人

廿九日

聖體涵蘊諸奧

三十日

聖體護守教會

聖體月

一日 聖體預像

長生樹預兆聖體

天主造生元祖。置諸地堂。百福俱臻。萬事順遂。地堂中有長生樹焉。食其菓。則精力恒強。無疾病。終不死。奈元祖犯罪。未食此菓。故元祖死。而其子孫皆死。按長生樹菓。保人肉身。預兆聖體養人靈魂。保人超性性命。試思何謂聖體。非天地萬物真主之體耶。天地萬物真主之體。養人靈魂。斯言甚簡。

而一爲思念。殊堪詫異。蓋國君愛民。惟賑以粟。父母愛子。惟啖以食。天地萬物之主。直以己體養人靈。何其愛人之切歟。我靈當如何感激哉。天地真主之體。養人超性性命。其命非他。乃天主聖寵。人靈得之。肖似天主本性。爲天主良朋。爲天主義子。有升天之分。美妙至極。悅天主及衆神聖之心。惜世人多犯大罪。輕棄是命。可爲浩歎。予自思之。亦嘗輕棄是命。今求主宥我往愆。助我常保此命。至於他事之順逆。俱不足重輕。

瑪納預兆聖體

古時如德亞人行路曠野。凡四十年。空中恒墮瑪納。食之則美味全備。能阻百病。夫瑪納亦聖體預像也。但瑪納之賤。萬不可比聖體之尊。瑪納成以氣出天神手。聖體則生於聖母胎中。爲聖神之工。瑪納自天降下。仍是頑物。聖體則爲天主降生之體。尊無限量。瑪納阻肉身之病。終不免一死。聖體則保人靈魂。永遠生活。瑪納具有美味。隨人所欲。聖體則賜人恩寵。慰人憂苦。其味百倍於俗樂。吁。

至尊聖體。天上神糧。我心多惡。污穢異常。原不敢望爾降格。惟賴爾無限仁慈。祈卽入我胸中。與我相契。賜我所需諸恩。

結約櫃預兆聖體

古教時天主與如德亞人立約。以一櫃爲証。名結約櫃。內藏天主十誠。用明固守不忘之意。人民敬櫃。至誠且切。有事則禱於櫃前。與他邦戰。每昇之以行。此櫃亦聖體先兆也。但二者相懸逾於天壤。結約櫃以木爲之。聖體則降生天主之身。尊無限

量。昔如德亞人觸犯主怒。主欲殺之。梅瑟哀禱櫃前。主卽息怒。我人禱於聖體。不特在天主前。且與耶穌相對。密邇殊恒。嗚呼耶穌。我信爾在臺。聞我禱。見我心。憐我神魂多困。因求爾勿念我惡。惟憶爾慈。與我心心相照。念念相求。噫。可愛之耶穌。我心素願。屈指不勝。求爾遂其善者。正其所歧。

二日 耶穌預許聖體

耶穌曰。我乃性命之糧。自天降下者。

耶穌在葛法翁時。彼都人欲耶穌行大靈蹟。証其爲天主所遣。如古教時。天降瑪納。証梅瑟爲天主所選。耶穌應曰。吾乃性命之糧。自天降下者。猶言我之靈蹟。大於梅瑟時之靈蹟。梅瑟時天降瑪納。祇養口腹。予則出自聖父懷中。養人靈魂。此耶穌預許聖體也。竊謂堅振用聖油。洗禮用聖水。皆施寵於人。我主欲養人靈。亦可降福於某物。用爲加

寵之具。何必以己體與人乎。曰降福於某物固可。然不賜聖體。耶穌愛人之意未遂。譬諸生母。可以餅餌啖嬰兒。然以其愛子情深。必欲飲以己乳。吁。至仁耶穌。爾以愛我而在聖臺。我今奉獻寸衷。卽求降格。如大王之幸貧戶。廣施法外之仁。

耶穌曰。我體真爲食。我血真爲飲。

葛法翁人及耶穌門弟數人。聞耶穌言我乃性命之糧。自天降下者。一時不悟其義。殊爲駭異。耶穌不與辨白。惟伸告曰。我體真爲食。我血真爲飲。意

謂汝曹不信我言。反以爲怪。殊不知我言非隱語。果將以體血給人。爲其飲食也。察耶穌之語。聖體聖血。實在餅酒形下。萬不可疑。此事以常情測之。固難索解。然天主全能。無妙不能爲。彼不信聖體者。何不思之甚哉。予幸有信德。知祭臺上之耶穌。卽當日居納匝肋。住葛法翁之耶穌。卽當日與宗徒語。與罪人偕。療治百病。救死復生之耶穌。嗚呼。吾主。予信德尙淺。祈增益之。爾在世時。心甚慈善。今在祭臺上。豈不同具此心。因敢肆意放胆。直陳

所欲。求爾赦我罪。宥我罰。啓我昏愚。療我神魂諸病。

耶穌曰。不食人子體。不飲其血。汝曹無性命。

耶穌見葛法翁人。意猶未決。又告曰。不食人子體。不飲其血。汝曹無性命。此數言。不特預許聖體。且加之嚴命。欲人必領。噫異哉。領聖體爲至大之福。何必命而後領耶。且命何人。命聖賢耶。命博學貴顯之人耶。不審惟是。無論老幼貧病。蠢頑粗俚之儔。苟有信心。皆受主命。皆應領聖體。吁。是何命歟。

聖體月***二日

十

帝王不納乞丐於朝。顯宦不與奴隸同席。乃天地大君。命人領其體。納之胸中。如此奇惠。非我主自言之。誰敢冀望之哉。嗟夫我靈。碌碌何爲。盍至聖體前。朝拜無窮仁主。求其速入我心。

三日 定聖體禮前事
耶穌遣二徒預備定禮

耶穌自伯大尼地方遣伯都祿若望前往日路撒
稜謂之曰。汝入城時。見一人肩水桶。當隨之行。及
其屋。告以我時已邇。欲於其家偕諸徒食罷斯寡。
彼卽指一大廳。汝于此預備可也。夫耶穌不遣他
徒。特遣伯都祿若望何居。曰。伯都祿信德最堅。若
望愛德最熱。二人又皆聽命。耶穌遣之用。明信人
領聖體。必當預備。而預備之功。以信德愛德與聽
命爲最。信德堅。則恭敬謙遜之心自生。愛德切。則
感激報謝之情自發。聽命爲耶穌至重之德。有之

始克愜其聖心。我靈思之。每領聖體。亦能堅信切愛耶。平日行事。悉從長命。無稍違逆耶。噫。余實多過。無善可陳。靜言思之。深自愧悔。吁。至仁耶穌。我信爾在聖臺。因伏爾臺下。與羣天神拜爾尊威。卽以天神之情獻汝。補我諸凡虧缺。

耶穌切望食罷斯寡

耶穌與十宗徒。自伯大尼起行。往伯都祿。若望預備之所。旣至。行罷斯寡禮。席間。耶穌謂徒曰。我願與汝食罷斯寡。望之久矣。意謂予久望此日。今始

抵至。今日不特遵行古例。且將立聖體禮。以我軀體。留於世間。當是時耶穌心神鬱結。萬慮叢生。愛人憐罪之情。顯露於顏面。嗚呼耶穌。爾愛人至極。而人之無良。不知報謝。反辱爾。多端。或欲領爾體。或領而無恭敬之心。予罪人。回念生平。亦辱聖體。然爾心之慈愛依然也。因懇忘我罪。加我神力。自是專志愛爾。特愛爾至聖之體。

耶穌濯宗徒足

耶穌將立聖體禮。束布攜水。濯宗徒足。茹達斯亦

在受濯者之中。此時耶穌所爲。天神大爲詫異。蓋至尊無窮之主。竟在罪人足下。爲罪人濯足也。竊觀其洗濯時。舉止端莊。聖心中憐愛。痛惜。憂苦之情。不可以言語形容。按耶穌洗徒足。欲人知領聖體。必須心謙靈潔。謙則服役如奴。亦所不辭。潔則細過如塵。亦必盡去。噫。至愛之耶穌。予心傲。且多他過。懇卽施與恩寵。助我謙恭。恒保神魂潔清。俾得恆爾聖心。

四日 定聖體禮時日

耶穌愛人

耶穌食罷斯寡後。定聖體大禮。當是時。如德亞人。百計千方。謀殺耶穌。耶穌早已知之。故受難刑具。如籐鞭。茨冠。鉄索。木架。巨釘等。歷歷在心。宛然寓目。於是憂慮叢生。灰心頓起。以常情測之。耶穌當圖復仇讐。詎肯遺己聖體。然而耶穌愛人。熱情如

火。非苦難所能息之。是以毅然決然。必欲與人聖體。噫。聖心之愛大矣哉。予稍有難。輒怠功修。何愛主之淺也。耶穌乎。因爾至愛靡窮。懇赦我罪。忘我辜恩。賜我善心。至死報爾聖愛。

耶穌不忍離人

或問聖體奧蹟。定於耶穌復活後。亦未爲晚。何必大難方臨。勿遽立此聖事。曰。耶穌愛人。不欲離世。及見死期在邇。不克久留。迫欲定一居世之法。然後安心。故定聖體禮。不在他時。偏在受難前夕也。

於以知耶穌之意。欲與我偕。我當遂其意。乃可。夫與耶穌偕。有二法焉。一則思耶穌天主性。無所不在。頻致我敬愛之誠。一則思耶穌聖體。實在祭臺。稍有餘閒。輒往朝拜。如果因事不能往。則神馳聖臺下。遙拜而遙祈曰。吁。至仁耶穌。我身在外。我心。在堂。恨未能取我丹心。與聖體同閉於龕內。

耶穌定新禮

耶穌死於十字架。爲新教之祭。自是古教之祭廢。而新教之禮行矣。新教之禮非他。聖死與聖體禮。

是也。聖體禮追憶聖死。分布其效。因耶穌愛主愛人之情。怦怦欲發。故未受難。先定聖體。用爲憶聖難。祭天主之盛典。聖奧斯定聖多瑪斯咸謂耶穌瀕死。定聖體禮。欲後人牢記其愛。猶父母臨終之囑。子女謹守弗違也。予於此默會聖心。時常憶主。并憶其苦難。如達味云。倘我遺忘。願兼忘我右手。倘我不念及。願我舌枯貼上腭。凡此皆矢志不忘之意。

五日 定聖體禮區所

聖體禮立於大廳中

瑪竇記耶穌定禮之廳。大且麗。耶穌死後。宗徒與聖母相聚。耶穌復活後。見於宗徒。升天後。聖母與宗徒同求聖神降臨。第十日。聖神果降。既而宗徒集議。旋即分行天下。凡此奇舉。俱成於此廳。則此廳乃極重之地。聖教會之像也。聖保祿以信人爲

天主聖殿。則此廳亦善靈之像。幸哉。人無大罪。其靈爲聖三之宮。與聖三常密契。至領聖體時。耶穌親降其心。如大王之居寶座。尤覺榮耀殊恒。當是時。天神簇擁。前來朝拜。領聖體者。當何如敬肅哉。予平日忘主在靈。罕思致敬。于領聖體時。亦鮮恭敬感佩之忱。加以度量窄小。見善不爲。無美德以飾靈。天主見之。能不厭惡之哉。至仁耶穌。無汝。我一無所能。望爾多賜寵恩。卒能毅然進德。廳主慷慨隱名。

伯都祿若望路遇負水之人。踵至其家。向主人告以耶穌之意。欲於其家食罷斯寡。主人不推委。亦無吝色。卽指大廳所在。任宗徒居用。慷慨如此。實出尋常之外。聖經云。忻喜奉獻。天主愛之。然則耶穌見廳主忻然借屋。必大快於心。我欲愜悅聖心。亦宜慷慨爲懷。凡敬主助人。克己之事。富竭力以行。然而返心自問。迴不其然。嗟夫耶穌。我無顏見汝。惟俯首伏地。哀懇垂憐而已。夫廳主洪量可風。似宜留其名於經上。俾後世共知之。乃聖經未記。

其名何也。因耶穌所重。不在名譽。惟在熱心。人苟熱心。無論其爲貴。爲賤。爲富。爲貧。爲智。爲愚。耶穌皆喜悅之。以故賜人聖體。亦無畛域品位之分。吁。嗟耶穌。我願默體爾心。不復以人情世故介於懷。亦不羨富厚尊榮。及一切本性之美。

宗徒與禮

按聖多瑪斯之說。方耶穌立聖體禮。茹達斯未出戶。故十二徒咸在座。但十二徒之心。迥不相同。他徒皆深信聖體。起敬起畏。獨茹達斯身在座中。心

已馳外。惟思拘耶穌。付諸惡人手。雖見耶穌行奇大之舉。作愛人至妙之功。然漠不關心。見如未見。犯罪而至於固執。誠可慮哉。我在聖堂中。分心失敬。日以爲常。若不信聖體者然。不亦可慮也乎。至慈耶穌。我今痛悔前非。切求寬恕。以後每至聖堂。將神情凝靜。感謝爾愛人無量。直以己體與人。

六日 聖體顯主全能全智全善

聖體顯主全智

天主聖父。欲救世人。使聖子降生。結合人性。斯可以忍苦立功。代贖人罪。此舉出自天主全智。非神人所能逆料。乃天主性人性。俱隱於麴酒形下。使十字架。上之祭。常留於人世。常顯聖父之榮。常施聖寵於人。天下之大。司鐸所在。聖體無不至。如此妙舉。不亦顯天主全智乎。予思念及此。欽崇天主全智。并願順聽主命。凡事隨信德而行。嗚呼耶穌。

爾爲全智之主。我拜爾謝爾。信爾恒處聖臺。懇卽
啓迪我心。助我善行諸事。不至見惑於三仇。
聖體顯主全能。

天主造天地。生萬物。降世爲人。受難贖罪。無一非
奇妙之功。今聖體聖事。亦甚奇奧。蓋司鐸一誦經。
食物之體卽消。而形像色味。仍存不變。又以耶穌
壯歲之身。隱匿於餅酒形下。其全體全血。在全餅
全酒形下。亦在一粒餅一滴酒形下。餅酒之形可
分。聖體聖血不可分。不特一處爲然。而凡行彌撒。

無地不然。是耶穌一身。榮耀在天。兼在億萬兆餅。洒形下。淵妙乃爾。誰能思議。大哉天主。爾能無限。一言能成如此奇工。求爾別發一言。赦我罪。化我心。賜我清貞聖善。愜爾至愛之心。

聖體顯主全善

聖若望有云。天主愛人。發其聖子於世。今聖父以聖體與人。亦發其聖子於世。顧不特發於如德亞歷三十三年。然發於普天下。留至世界終日。噫。聖父愛人。無以尙矣。至仁聖父。我真心謝爾。將耶穌

及諸聖之功。奉獻於爾。用表我心感悃。夫耶穌以愛人之故。甘以己體與人。是誠聖父聖子同心同愛。皆仁量無窮矣。嗟夫耶穌。爾以聖體與我。爾聖心聖血。聖靈魂及天主性。亦同與於我。我受此奇恩。無以爲報。惟願全獻身靈。奉行爾聖旨。

七日 成聖體經

爾曹受而食之

耶穌此言。諭宗徒領聖體也。夫耶穌定聖體奧蹟。原欲人屢領。以遂其愛人之意。奈信人中有褻慢聖體者。大傷吾主之心。曾諭福女瑪加利大屢領聖體。用補聖心之辱。嗚呼耶穌。爾乃至尊天主。微特不棄我。更入我胸中。誠如聖經云。與世人偕。爲汝喜樂。我罪人固願屢領聖體。無如心常冷淡。不能報爾愛。慰爾憂。將如之何。若必待我自奮。恐終無慰爾之時。懇以爾無窮之愛。灼熱我心。俾克稍

報爾聖愛。

此乃我體

耶穌不曰此乃我一肢。然曰此乃我體。因耶穌所與。乃其全體。無一脉一筋不在聖事中。雖聖體無上下廣狹之形。然體質俱在。纖悉不遺。予以知聖首在焉。聖足在焉。聖耳。聖目。聖心。聖肋等咸在焉。至仁耶穌。爾以愛我之故。跼蹐於餅酒形下。求爾聖目規我目。聖心規我心。聖舌規我舌。聖身規我身。使我舉止言爲常法。爾聖德。又求啓爾仁慈之

聖體月***七日

三十

目。憐視我罪。啓爾仁慈之耳。俯聽我禱。啓爾仁慈之肋。藏我於聖心中。迨我死後受判。以爾聖心爲償欠之資。

將爲汝交付者

耶穌旣言此。乃我體。卽曰將爲汝交付者。猶云今我與汝之體。卽爲汝受難之體。原其意。欲人每領聖體。追念其受難。思今日之聖體。前曾禱於山園。多流血汗。繫受鞭責。身無完膚。頭戴茨冠。肩負木架。苦楚萬端。直至高懸架上。聖血盡流而死。又思

耶穌五傷。仍在聖體。爰於想像間。脣貼聖足之傷。法瑪大肋納哀哭前愆。口親聖肋之傷。法聖若望探聽聖心蘊奧。直至默會而後已。吁。至仁耶穌。我拜爾懇爾。必欲爾赦我罪。錫聖寵。然後離此聖堂。

八日 耶穌與宗徒領聖體

十一 徒善領聖體

聖體月十八日

二十二

耶穌既成聖體。授徒領食。按諸宗徒從主三年。多承聖訓。猶未明天主奧功。每拘泥於俗見。至是耶穌特加寵照。使十一徒信心頓固。知耶穌所授。形似餅餌。而其實餅質已消。耶穌真體在內。於是恭敬愛慕。謙卑愧感之情。一時勃發。意者伯多祿愕然曰。主其離我。我乃罪人。又曰。爾爲基利斯督。活天主子。我曷敢當此。若望則一見聖體。心神似醉。不解吾主愛人。何竟至於斯極。遂飲其頭。近耶穌胸前。默會聖心底蘊。我罪人心冷如冰。不知自奮。

求聖心薰炙我心。使我每領聖體。亦能堅望切愛。以伯多祿之信爲信。以若望之情爲情。

茹達斯冒領聖體

茹達斯存心不正。決意賣耶穌。業與司教約值。茲又與他宗徒同領聖體。納我主於心中。如此大辱。詎有倫比。况茹達斯非他人。乃耶穌特簡之徒。三年間。與主周旋。飲食與共。乃不報主恩。反鬻賣主。加以冒領聖體。褻慢至極。其傷主聖心。可勝言哉。宜我主於晚餐時。言及茹達斯而神爲之惛。嗚呼。

耶穌。爾心傷痛。勢所必然。我回首自維。致辱聖體。亦不知凡幾。恨未能哀悔前非。直至裂我心而後已。噫。耶穌乎。爾雖受辱。慈愛依然。求爾忘我罪。仍入我心中。

耶穌自領聖體

按聖多瑪斯及他學士之說。耶穌亦領聖體。此事無足異。因聖體既能在我主手中。何不能在我主胸中乎。原耶穌自領之故。恐諸徒不敢領。故親領以爲導。猶生母愛子。先嘗食物。然後與子亦食。但

生母所以啖子。菓餌耳。水漿耳。我主所以養靈。乃其聖體。恩惠之隆。殊出神人意料。予罪人本當早入地獄。永遠煎熬於烈火中。今幸領主聖體。何其福哉。噫嘻耶穌。我無以爲報。惟願全心愛爾。弗復用情于世人。

九日 成聖血經

此乃我血之爵。

耶穌不曰此爵中有我血幾許。然曰此乃我血之爵。猶言我全身之血。均在爵中。然則司鐸作祭。一念成聖血經。耶穌首中血。心中血。衆筋中血。百體中血。咸在爵中。無一滴遺。且聖身聖靈。及天主性。亦與俱在。夫耶穌一滴血。價值無窮。足救天下萬民。其榮聖父。亦逾衆神聖功蹟。況全身之血乎。按聖血在聖爵內。亦在麴酒形下。凡人領聖體。耶穌全身之血。盡入其心。澆灌洗滌。酣醉其靈魂。如是

大恩。天神不敢望。而我實得之。幸何如哉。然我沾
渥聖血。而尙多罪過。何也。非聖血之力不足。惟以
我不善領耳。求聖血重入我心。滌我舊染之污。使
我心神煥然一新。
卽新立永約之血

耶穌旣言此。乃我血之爵。復伸言曰。卽新立永約
之血。其意何居。曰。古教時。天主與如德亞人立約。
曾用牲血。今耶穌與新教立約。直用聖血。是新約
愈於古約。天壤相懸矣。按立約卽約許之義。試問

耶穌所許何事。曰許赦罪。許聖寵。許聖神七恩。許天堂萬福。又凡有益於榮主救靈之事。皆曾約許。且以己血爲証。無不踐之理。我於此發願望之情。卽賴聖血之功。求主多施聖惠。聖保祿謂耶穌之血。較亞伯爾之血。發聲尤善。誠哉斯言。蓋亞伯爾之血。求主復仇。而耶穌之血。求主施仁也。至仁聖父。我真心謝爾。懇視聖血之功。賜我諸凡恩寵。將爲汝及多人。傾流以赦罪者。耶穌旣言新立永約之血。又曰。將爲汝及多人傾

流以赦罪者。曰汝。卽宗徒是。曰多人。卽衆人是。耶
蘇言此有二故焉。一則欲宗徒念其苦難。益切愛
戴之忱。意謂我本無罪。何必流血。茲所以備嘗艱
苦。至於舍命。實爲汝曹。汝其念之。一則欲人思其
流血。用赦人罪。無限幾何。足見無罪不赦。無罰不
宥也。大哉天主。爾聖德靡窮。公義無量。我畏爾審
判。夢寐心驚。願以聖血染我靈。避爾威嚴之譴。如
古時如德亞人。以羊血染門楣。幸免天神之戮。

十日 餅酒取義

聖事用二物。

夫餅形酒形下。同是耶穌全體。似或酒或餅。用其一足矣。何必並用二物。殊不知領聖體。譬之赴筵。筵上必有飲食之資。而後可謂盛饌。不然。祇食不飲。渴矣。祇飲不食。飢矣。耶穌欲人知善領聖體。解人神魂飢渴。故兼用餅酒以明之。予神魂疲憊。行

善無力。飢甚矣。心思煩亂。絕少慰藉。渴甚矣。將領聖體。以飲食我弱靈。又成聖體以餅。成聖血以酒。用明耶穌受難。體血分離。悽慘萬狀。山園中汗血溢流。受鞭及戴茨冠時。身首之血。涔涔而下。被釘及肋旁受刺時。血更傾注於外。凡予望彌撒。見聖體聖血。次第舉揚。當思耶穌諸難。遂發愛戴。感謝。冀望。自悔之情。吁嗟耶穌。昔爾在架。今爾在臺。時地雖異。爾在則同。因伏爾臺下。懇以聖體養我靈。以聖血洗我罪。賜我爲清潔無過之人。

耶穌隱迹

耶穌在餅酒形下。何難稍顯音容。使衆人知聖體所在。乃餅酒之色味依然。絕不見異像。此何故歟。曰耶穌至謙也。在生匿其天主性。今且匿其人性矣。又以稍顯音容。人將不敢領。耶穌愛人至極。欲入人心。豈肯顯厥音容。阻人領食。況不顯音容。斯可試人信德。如果堅信不移。厥功更大。如聖經云。不見而信。真福人也。至仁耶穌。我信爾降格在臺。榮耀逾於太陽。但予無所見聞。惟學聾瞽者之呼。

爾救。求爾憐。祈爾垂賜所需。

耶穌特擇餅酒

夫世間食物亦多矣。耶穌不擇他物。偏擇餅酒何也。曰餅酒爲尋常日用之物。其養人也最力。其附人也最切。卒至變人血肉。與人合爲一體。耶穌至仁。欲與信人心相印。情相孚。遂藏身于餅酒形下。賜領之者。舒私慾之困。增神情之樂。保聖寵之命。加進德之力。總之人與聖體相親。將被其化而肖似之。至仁耶穌。我願領爾聖體。與爾相合如一人。

按一塊餅出於小麥多粒。一杯酒出於葡萄多枚。皆以相合而成。耶穌用是二物。欲人知領聖體。宜具愛人之德。與人和愛。不啻一體相關。如聖保祿云。同食一餅。同爲一身。我靈省之。爾於愛人之德。果能無愧耶。

十一日 耶穌定禮容止

耶穌舉手携餅

耶穌將定禮。先攜餅手中。然後曰。此乃我體云云。竊意置餅於几。亦可成聖體。何必携取手中。曰。手爲多能之肢。耶穌成聖體。係全能之工。其舉餅於手。正以明此意。夫耶穌之手。結合天主性。果天主之手也。曾撫瞽者目。頃刻復明。攜死者手。尸身立起。茲又攜己體以賜人。其愛人之量。何其大哉。至仁耶穌。求爾入我心中。舉手赦我罪。治我神魂百病。卒則挈我升天。永遠見爾聖面。

耶穌舉目望天

耶穌既携餅。舉目望天。用明聖體。非世間物。乃性命之糧。自天降下者。信人領之。當超拔其心。默思聖道。頻發信望愛三德。我人在世。當心向天堂。一切身靈所需。皆待給於天主。如達味向主云。予仰望汝。予惟賴汝。竊觀耶穌望天。氣息寂靜。容顏端重。其心中之意。不可以言語形容。宛若傾厥肺肝。謂聖父曰。在天聖父。至聖無倫。我爲顯汝榮。助人靈。留軀體於世。後人將辱我萬狀。予豈不知。然以

愛汝愛人之故。皆不顧矣。聖心此時。熱如火。苦如
胆。預見仰慰之人。寥寥無幾。噫嘻耶穌。我願終身
愛爾。用能稍報爾聖情。

耶穌感謝聖父。

耶穌思聖體之恩。亦聖父所賜。因傾心致謝。此教
我。凡領聖體。感德之忱。萬不可少。天主嘗謂聖女
加大利納瑟納云。人苟思聖體洪恩。其心當自裂
矣。予屢領聖體。未嘗善謝。還問寸衷。能無痛死。吁
至仁耶穌。懇爾代謝聖父。補我虧缺。茲以聖母及

諸聖功勳。奉獻於汝。補我忘恩之罪。日後每赴聖臺前。將與汝相對無言。直陳感佩之意。

十二日 續思耶穌定禮容止

耶穌降福於餅酒

耶穌謝聖父後。降福於餅酒。夫耶穌降福。與他人降福異。古祖亞巴郎等。年老瀕危。降福於子。所禱

無不應。然惟求主施恩。非己能錫福也。耶穌不然。秉全能之柄。降福於某人。卽賜惠於某人。降福於某物。則加力於某物。譬諸降福於孩童。孩童獲佑。降福於五餅二魚。飽啖五千人。尙餘十二筐。又嘗降福於七餅數魚。飽啖四千人。餘七筐。噫。耶穌之權大矣哉。凡有所欲。無一不成。予求耶穌。從天垂顧。降以遐福。使我隨所往。隨所作。常被恩光。又求降格我心。降福於我靈。使我思念言爲。咸合其聖意。吁。慈善耶穌。爾其聽之。遂我願望也可。

耶穌析餅

耶穌將一餅析爲數塊。用明宗徒所食。皆出一餅。其互愛之情。宜似一體相關。無分爾我。此卽耶穌所稱新命。晚餐時曾一再叮嚀者。我信人領聖體。亦當汎愛衆人。量同胞與。倘和誼有虧。心相離間。必不愜吾主聖心。但耶穌所析。乃餅形。非聖體。故旣析後。各塊皆具全體。無稍區分。凡我領聖體。耶穌天主性人性。全在我心。可不專志凝神。恪恭俯拜哉。昔耶穌復活後。作行人狀。厄瑪伍二弟子遇。

之於途。與之語。心爲之熱。及耶穌析餅。頓卽認明。耶穌遽爾隱迹。予于領聖體後。耶穌實在我心。安可茫然漠然。不以心曲告之。

耶穌授徒

經記耶穌析餅授厥徒。此言耶穌以聖體與宗徒也。當是時。他人不與禮。惟宗徒與之。其領聖體亦在衆人先。此其福可勝言哉。予幸入教。得領聖體。亦耶穌徒也。此福逾富貴榮華。及一切世間事。非予有功以得之。然天主慈惠致此。理當深感。夫耶

聖體月***十二日

五十二

穌之徒有三等。一。愛徒。若望是。二。善徒。伯多祿等
十徒是。三。惡徒。茹達斯是。予返躬自問。非愛徒。亦
非善徒。將置身何地乎。耶穌曰。不負十字架。隨從
我後。不得爲我徒。然則欲爲善徒。非忍苦不可。噫。
是適予畏。憚不行者。求耶穌忘我罪。潔我靈。助我
奮力立功。卒爲聖心高弟。

十三日

耶穌授成聖體權

授權成聖體

耶穌既成聖體。謂宗徒曰。爾曹行此以憶我。斯時耶穌授權於諸宗徒。及後世司鐸。皆能代耶穌誦成聖體經。頃刻變餅酒爲聖體。此事顯主慈仁。大無限量。蓋耶穌伊誰。司鐸伊誰。耶穌爲真天主。司鐸則尋常修士。乃竟行其權於天上。一誦成聖體。成聖血經。耶穌立刻降下。是萬王之王。隨世人之意。其慈愛爲何如哉。若聖教中只一人有是權。已

是奇惠。卽不然。每國每省一人。亦云至矣。詎天下
司鐸。以數十萬計。均有是權。俾數百兆信人。咸能
領聖體。天主之慈。大何如乎。至仁耶穌。因爾愛人
至極。求爾赦我往愆。賜我愛德。用能還愛爾幾微。
授權奉祭

耶穌授成聖體成聖血之權。卽授奉祭之權。所謂
彌撒是也。按彌撒之尊。人不能思議。因彌撒中。大
司祭仍是耶穌。其所獻之犧。係聖體聖血。聖父享
其祭。最爲喜悅。一臺聖祭。增聖父之榮。逾於衆神

聖之功。我今立志。凡有便機。總去望彌撒。與羣天神俯伏堂隅。獻耶穌於聖父。致我誠敬愛戴之忱。嗚呼耶穌。我願常侍爾側。將我身心性命。與爾同獻于聖父。

彌撒續血祭

耶穌曾行二祭。一爲不流血之祭。卽晚餐時。成聖體成聖血。祭獻聖父。諭後世繼行之。迄世終不輟。一爲流血之祭。祇一行之。卽釘死架上。傾流聖血。獻其命於聖父。代贖人罪。按彌撒聖祭。繼流血之

聖體月 *** 十三日

五十六

祭。將聖死之功。重獻於聖父。職是之由。諸聖師言。彌撒裨益信人。與聖死無異。夫聖死之效。無底止者也。彌撒卽畀是效。大何如乎。予將于望彌撒時。設想在加爾瓦畧山。親見耶穌懸十字架上。鮮血淋漓。慘難言喻。隨卽跪伏架前。求聖父視聖血之功。赦我罪。又賜我恩寵。

十四日 彌撒奇效

彌撒謝恩

我人在世。承主洪恩。多不勝計。有本性恩。如生造。保存飲食。日用。及一切世間事物等。是有超性恩。如天主降生。被難贖罪。領聖洗。領聖體。蒙赦罪。獲聖寵。聖心垂憫。聖母矜憐。天神護守等。是聖保祿云。時時謝恩。乃天主之旨。然則欲合主旨。不得不頻謝主恩。予罪過繁多。無善可告。將獻何物於主。用鳴謝悃乎。獻我心耶。心已邪僻。曷敢上呈。獻我身靈耶。多積愆尤。詎敢冒瀆。況天主至尊。雖萬物

聖體月***十四日

五十八

盡獻於主。亦不能報主洪施。幸哉耶蘇定彌撒禮。以身代犧。致謝天主。是可稱天主之尊。是可補我人之缺矣。皇皇天主。萬美之原。我以聖體獻汝。謝爾諸德。并願日夜在堂。恒獻此馨香祭品。

聖體贖罪

夫大罪綦重。不可以言語形容。魔鬼祇犯一罪。地獄之火。不能燒而盡之。小罪縱無永刑。然煉火亦酷烈不堪。予多犯罪過。補贖未行。一旦瞑目。將何以見天主乎。將幾何時在煉獄中乎。此念亂我心。

震我百骸。茲幸耶穌在臺。自獻於聖父。代人償欠。以其功勳無限量也。一臺彌撒。能全補我罪。予求聖父。視聖祭之功。赦我應受諸罰。賜我神魂清潔。乃敢聽主審判。不然。負罪無算。其何以堪。

彌撒求恩

彌撒之效。又在求恩。耶穌獻已於聖父。代人乞惠。懇免諸災。夫耶穌之禱。如何有力哉。借令衆神聖。同禱一事。想天主必將允諾。況耶穌之禱。遠勝衆神聖之禱乎。耶穌有云。因我名祈聖父。聖父必賞。

汝乃彌撒中不特用耶穌之名。且獻耶穌體血。則凡求榮主裨靈之惠。禱無不獲。理固然已。予自思之。願得之恩。多不勝數。有爲靈魂者。有爲肉身者。有爲親友。恩人者。又願外教歸誠。煉靈出獄。噫嘻。予望奢矣。然彌撒有無窮之值。予何畏而不求乎。至仁耶穌。爾若啓口。聖父必從。求爾代發一言。求錫恩寵。則吾儕福矣。

十五日 領聖體大恩

領耶穌真天主

聖保祿稱耶穌爲獨一子。出自聖父懷中。爲聖父榮耀真光。性體肖像。今餅形所藏。卽此耶穌。與聖父聖神。同無始終。同在各處。同無限量。同係全能。全智全善。同造天地。同掌萬物。同助人靈。同賜榮福。其所以在聖事中。因愛人至極。欲恒處人間。爲人禦禍。聽人所禱耳。嗚呼耶穌。爾乃萬王之王。威

靈無限。今降尊居賤。隱於聖臺。爾心之慈。詎有限
量。我卽賴爾仁衷。求錫多寵。化我爲聖善之人。

領耶穌真人

耶穌爲眞天主。眞人。餅形下。旣藏耶穌眞天主。亦
卽藏耶穌真人。由是以思。今在聖臺之耶穌。曾居
聖母胎中。畀以異寵。曾在聖婦依撒伯爾家。赦若
翰原罪。曾臥馬槽。受三王朝拜。賜以奇惠。曾徧歷
如德亞訓。愚蒙醫疾病。慰憂苦。救窘難。活死人。曾
爲我受釘而死。第三日復活。四十日升天。坐於罷

德肋右。然其在臺。果何爲乎。爲醫士。治我惡習。爲
師傅。啓我惛蒙。爲牧人。與我神糧。爲救世主。救我
罪過。爲大司祭。代我所禱。其所望於我人者。屢往
虔求。直陳所需。吁。至仁耶穌。爾慈惠至斯。我將學
瑪大肋納流淚沾爾足。哭我往愆。學病婦觸爾裾。
求治神魂諸病。學多默探爾肋。呼我主我天主。倍
切愛戴之忱。

誰領聖體

天主全能。祇令人遙望聖體。亦能得寵。如古時如

德亞人。久行曠野。多受蛇害。天主命梅瑟立銅蛇。
一使被害者舉目望之。頃刻立愈。卽不然。令人近
侍聖體。亦可獲惠。如耶穌生時。近卽病人。治其聾
瞽。癱跛等疾。但耶穌愛人。必欲入人心。不特遙望
近侍而已。噫。我何人斯。敢領聖體耶。我靈多惡。曾
爲魔役。安能仰契耶穌。我舌毀人。評人言不及義。
直可比之毒箭。安能當耶穌之尊。我口貪饕。多犯
罪過。安能收納耶穌。我心偏僻。雜念叢生。安能作
耶穌之座。吁。上品天神。懇卽分汝愛情。熱我方寸。

俾耶穌降格時。亦有片刻之溫。

十六日 領聖體大益

聖體除罪

聖體雖非赦罪聖事。然學士輩。言人犯大罪。業發下等痛悔。或以遺忘。或以他阻。未告解。領聖體時。間亦蒙赦。至聖體消除小罪。尤爲教中共信之道。

按罪過既赦。尚有應受之罰。在生不補。煉苦難當。善領聖體。則天主減去其罰。視熱心何如。以爲多寡。又聖體猶良劑。善領之。則慾火漸消。易免小過。不犯大罪。予一生獲罪。積欠浩繁。他日煉獄之形。不知伊於胡底。加以平日多過。悛改未能。將如之何。靜言思之。惟有屢領聖體。納吾主於胸中。哀告我罪。泣訴我弱。求主慰我憂。如慰瑪大肋納曰。爾罪赦矣。又求助我弱。如慰患病諸人曰。汝信德療汝矣。幸而得此。夫復何求。

聖體施恩

耶穌曰。食我者。因我而活。此言信人領聖體。活超
性性命也。聖多瑪斯曰。聖洗所以生性命。領聖體
則受性命之全。以故善領聖體。未有不增性命。而
增之多於他聖事。况性命之外。又施他恩。聖多默
味辣諾伐。總括領聖體益效云。善領聖體。則明司
照焉。心志灼焉。性情渥焉。清興萌焉。知覺活焉。神
魂潔焉。德增焉。恩富焉。聖寵倍焉。諸凡神惠。皆於
領聖體得焉。噫嘻耶穌。我靈懦弱。倦於功修。進德

如登高。爲惡如就下。求爾速至我心。助我行善。賜我眞德。乃可望靈魂增輝。稍悅聖三之目。
聖體居處人心

昔聖母懷主於胎中。今信人懷主於心中。情形雖異。懷主實同。聖保祿謂非我生活。然基利斯多生活於我。斯言也。領聖體者。皆可出之。夫世間相愛者亦多矣。試問有如此盛情。如此親密者乎。無有也。以故聖多瑪斯稱聖體爲愛情聖事。脫利膝公議會謂耶穌立聖體聖事。將愛情之寶。傾注於人。

聖女瑪大肋納巴齊。念耶穌之愛。欲發大聲。奔告天下。聖類思。每領聖體。中心向慕。終日拳拳。嗚呼耶穌。爾所在。卽是天堂。爾至我心。我心不卽天堂。耶神聖在天。見爾聖容。卽爲其善福。我不見爾容。然懷爾於心。獨非至大福耶。耶穌乎。懇卽降來。居我心上。予將直陳所願。一傾乎素懷。

聖體月***十七日

七十

十七日 謝聖體熱情

恭敬讚揚

我人領聖體。宜發信德。想耶穌寔在胸中。聖額我
畧謂司鐸成聖體時。天開焉。天神降焉。然則聖體
在我心。天神不將繞我身耶。噫。我何人斯。竟納我
主於心中也。聖伯都祿爲宗徒長。尙曰。主其離我。
我乃罪人。聖若翰保弟斯大。猶不敢釋主履帶。况
我罪惡深重。早應入地獄者乎。達味向主曰。世人
爲何。而汝記憶之。人之子也。而汝過訪之。今我主

訪我。且入我心矣。吁嗟耶穌。我願與羣天神。同讚
汝曰。聖聖聖。大軍之天主。願與在天聖人。聖女。同
拜。爾無限尊威。嗟我靈魂。耶穌在我心中。與我相
合。爾猶茫然不覺。似頑石然耶。

愛慕感謝

耶穌乃我恩主。愛我至於代死。愛我至於發露聖
心。愛我至於藏身酒餅形下。入我心中。如此慈愛。
詎有倫比。聖女羅撒。每領聖體。愛火中燒。熱氣發
於顏面。予不能如是愛主。亦願出我肺腑。奉獻於

主。嗚呼耶穌。爾爲天主。在我心中。爾之仁愛。何其大哉。我願終身愛汝。卒至因愛而死。達味有云。主賜我種種恩澤。將何以報之。今我領聖體。爲達味未受之恩。報謝之責。不更嚴歟。但我一生多罪。報主無由。安得天地神人萬物。代我同伸謝悃。乃可補我缺。稍報聖恩。

祈求奉獻

聖體入人心。所以施寵。故領聖體後。又當祈禱。向主曰。耶穌乎。爾來原爲加惠。懇卽赦我罪。忘我惡。

治我驕傲。怠惰。妄言。紛念等過。又求啓我明司。正我欲司。定我記司。加我神力。俾得常行爾旨。日積升天之功。凡我親友恩人。與夫今日臨終。及已亡之人。俱求垂佑。破格加恩。我將靈魂三司。肉身五官。全獻於爾。再不敢違爾誠。獲罪於爾。然事事爲爾行。力改前非。冀得愜爾聖意。

聖體月 *** 十八日

七十四

十八日 聖體三職

聖體醫病

耶穌在世。特盡三職。一醫病。一訓人。一救世。試先言其醫病。計傳道三年。隨所往。治病無算。賜瞽者明。聾者聰。啞者言。跛者走。癱者起。皆不用藥餌。立刻卽痊。今耶穌在祭臺上。醫形軀之病。仍然不少。而醫人靈魂之病。日以爲常。何謂靈魂之病。曰。聖盎博羅削云。貪婪。寒疾也。偏情。寒疾也。淫慾。寒疾也。好名。寒疾也。忿怒。亦寒疾也。此外如驕傲。嫉妬。

恨人。妄言等病。多不勝計。領聖體。或拜聖體。則沉
痾漸愈。諸德漸萌。嗚呼耶穌。子靈多病。朽穢難堪。
求爾速降我心。消我惡疾。此後善行天路。如厄利
亞食天神之餅。逕至臥雷勃山上。

聖體訓人

耶穌曰。我來世上。用証真道。聖若望稱耶穌爲真
光。照入世之衆人。其所以訓人者。初則立表。繼則
傳道。年十二。登殿講經。年三十。離家背井。專以宣
化爲事。瑪竇謂其遊行各處。施誨古教堂中。路加

聖體月***十八日

七十六

謂其日在聖殿講道。今耶穌在餅酒形下。雖無外著之聲。然默感信人。孜孜不倦。或勗其忍苦進德。或諭其改過遷善。或以其志有所憎。一再開導。或以其心有所偏。數四規戒。凡德士輕世俗。重功修。畏罪如虎。茹苦如甘。往往耶穌自聖臺教之。或入其心而教之。吁。嗟我主。我信爾在臺。有常生之語。我甚愚蒙。不知修省。更不知專志愛汝。切懇破格施仁。以聖龕爲講座。或以我心爲講堂。傳授聖心妙蘊。

聖體救世

耶穌生時。驅魔出人身。與罪人交。化導其悔改。此皆救世之事。而其大功。成於十字架上。捐軀舍命。聖血傾流。今耶穌在聖事中。仍行救世之舉。將聖血洪功。通傳於信衆。赦其罪。洗其靈。宥其重刑。加其寵佑。卒引至天國。享福無窮。默照經述。天上聖人之言曰。主乎。爾宜執常生冊。啓厥簽。因爾被殺。以己血贖我曹。幸哉。天上聖人。已得萬福。不患失矣。予罪人。日蹈危機。爲惡甚易。行善寔難。不知終

聖體月***十九日

七十八

能救靈與否。一再思之。殊爲驚恐。吁。在臺之耶穌。懇爾助我善生。卒獲見爾於天上。仁慈聖母。大聖若瑟。護守天神。求爾時常伸佑。勿以我多過而棄之。然恒爲我禱。至我臨終時。更加意扶持。

十九日 聖體德表

聖體謙己從人

耶穌在世。卑以自牧。謙下至極。今在聖事中。謙遜尤甚於曩昔。以威赫無窮之主。隱藏於食物形下。聖保祿謂耶穌謙抑自己。取奴才狀。是謂其具人性也。在當時猶可見人性。今在聖臺上。人性且不見矣。人舉目以視。惟餅酒耳。然信德告人曰。非餅酒。乃耶穌。嗚呼我主。爾謙卑自抑。何竟至斯。予罪人視爾坊表。殊自羞慚。予又思成聖體後。司鐸供之龕中。耶穌卽居龕中。司鐸分與信人。耶穌卽入人心。嗟乎天主也。而從人意如此。天神能不驚駭。

萬象能不訝異哉。予本罪人。又無智識。偏欲執持已見。誠可慨也已。

聖體良善忍耐

耶穌在生時。與人晉接。總以慈善相將。其撫慰病人。接納幼童。尤覺溫良可愛。今在聖事中。仁愛又復過之。試觀領聖體者。無論其爲童子。爲貧病。苟能清潔其心。聖體必忻然抵至。此情此景。令人念及之而愕然。計普世信人中。冒領聖體。與冷心領聖體者。日不知凡幾。異教中人。褻慢聖體。更不堪

設想。意者天神見之。共抱不平。欲一雪耶穌之恥。而耶穌居餅酒形下。時常忍耐。若不知不覺也者。嗚呼。聖心之量。大矣哉。其愛情之熱。如燎原大火。不可熄矣。予致辱聖體。亦復不少。哀求聖心盡忘我過。今而後恒願報愛。以迄無終。

聖體仁慈永遠

眞愛人者。見苦則憐。見困則濟。非有所望於人。惟欲遂其汎愛之意。故施惠不擇地。亦不擇人。聖體愛人。實有此景。無論貧富貴賤。智愚賢否。卽蠢如

黑蠻不解文字。不事耕稼。不知禮讓之人。皆得領聖體。雖聖堂窄陋。卑類車棚。小比斗室。聖體亦願抵至。誠哉聖心之仁。無分遐邇。直以天下人共納一心矣。況其愛情。又久遠靡已也。自耶穌升天。以迄天地終日。聖體常在祭臺。常入人心。終無離去之晷。伊古以來。人不知幾更。代不知幾易。而聖體偕人。始終一轍。耶穌嘗告徒曰。我日日偕汝。迄於世末。斯言也。特於聖體驗之。予罪人賴主仁慈。敢直陳所願。特望赦我罪。賜我神恩。

二十日

耶穌在臺祈禱

耶穌代禱

耶穌爲人祈禱。確實無疑。聖若望稱耶穌爲主保。主保之責。代人乞情是也。聖保祿言耶穌坐聖父右。代禱殷懃。但耶穌在天。與在祭臺上。係一主。非二主。係一聖靈。非二聖靈。則禱於天。亦必禱於聖。

聖體月二十日

八十四

臺。聖老楞佐儒斯定云。基利斯多獻於臺。救世主
呼號聖父。露厥傷痕。以禱功護人。使人弗罹永苦。
于以知天下萬國。凡聖體所在。耶穌在彼默禱。聖
靈懇請之聲。上達雲霄。直至聖父案下。仁哉耶穌。
爾爲衆人禱。亦必爲我禱。予今伏爾臺下。與羣天
神同謝爾恩。特謝爾代禱之恩。懇卽訓我禱。與爾
共發心聲。
耶穌切禱
耶穌代人祈禱。懇切異常。蓋其在聖臺上。明見世

風日下。萬惡叢生。人之不欲救靈者。隨在皆有。怙終不改。卒下地獄者。日有數萬。聖會之艱難疊出。信人之困苦紛如。聖心愛聖父愛世人。均臻其極。不忍聖父受辱。又不忍民衆遭殃。於是日夜思維。切求聖父。一則祈宥人罪。二則乞賜寵恩。必欲引衆人咸登天域。噫。我主慈衷。莫能測量。其禱聲之懇摯。亦莫知其萬一。試問吾主有分心馳念。暫爲輟禱之時乎。烏有也。試問有意念偶疏。禱而不專之時乎。亦烏有也。然則我主之禱。始終如一。我靈

思之。當深自羞慚。大爲驚惕。異哉耶穌爲我禱。如是慘惻。而我反不知禱。且不知悔也。噫。

耶穌欲人往禱

耶穌告宗徒曰。求之必得也。又曰。求哉。何至今未求也。凡此數語。耶穌於餅形下。時時默道。惜默會者寥寥。而往求者甚鮮。耶穌曾命聖女瑪大肋絛巴齊。每日拜聖體。多至三十次。此何以故。非欲聖女屢入聖堂。求所欲得耶。按耶穌爲真天主。有施寵之權。有允人所禱之柄。今以聖臺爲高座。以餅

形爲堵牆。屬耳聽人禱語。如聖歌經云。予所愛者。
立我壁後。自牖探觀。憑欄眺望。噫。耶穌俟予於堂。
欲予往禱。予何爲而不去乎。至仁耶穌。我來矣。將
跪爾臺下。陳我心志。如撒模厄耳之母。似醉如癡。
久立結約櫃左近。口脣微動。聲息不形。傾其心於
天主之前。

二十一日 耶穌在臺喜樂

耶穌內樂

耶穌在聖臺上。罕有人往拜。且有加之尋者。似極
淒涼。殊形寂寞。然耶穌自有福樂。雖天神亦不能
明其大。何則。以耶穌爲天主。自有萬福。奇大無窮。
在餅形下。無異於在天。以其人性言。則結合天主。
聖子。聖靈。明見聖三。瞬息無間。其愛聖三。親聖三。
享聖三之福。皆出衆神聖上。由是推之。耶穌之福。
譬之大海汪洋。絕無邊岸。予思念及此。一則賀耶

穌多福。心爲忻然。二則想世間非安樂所。亟宜忍苦立功。冀得天上福。三則思神魂真慰。非人物所能與。惟天主能與之。故萬事當以望天主。賴天主榮天主。愛天主爲先務。如聖奧斯定向主曰。主。爾造我爲爾。苟不歸附爾。我心終不能安。吁嗟耶穌。我信爾在臺。默享萬福。懇卽光照我靈。使知大福在愛爾。此外無樂可求。

耶穌外樂

耶穌在餅形下。靜思世上情形。聖心亦爲大慰。何

則。自救贖之功成。而魔力衰矣。聖教行矣。聖經之道。淑人無算。善信之友。敬主頗誠。聖堂徧天下。聖祭日日行。聖父之榮大顯。天上之恩恒降。雖異端頻作。匪類相攻。殊爲不快。然艱難中。援救多靈。登之天國。俾得享福無彊。永遠讚頌天主。凡此功效。聖心一再念之。大爲喜悅。按聖心外樂。我人可日益之。譬如發一愛德。行一善功。拜聖體一次。誦經文一遍。聖心之慰。每次稍增。人苟有心。可不仰慰聖心哉。予今立志。將多立善功。時時祈禱。務使聖

心獲慰日多。

聖體賜人神樂。

耶穌在餅形下。爲人安樂之源。無論何人。苦禱聖體。必覺憂漸解。心漸舒。疑漸釋。難漸平。蓋耶穌在世時。患病及遇難者。求之。大都立應。今在聖臺上。未嘗不同具仁心也。若求之於領聖體後。其慰尤形親切。聖伯爾祕多。謂聖體施三惠。貞德一愛德。一甘味。一甘味云者。卽心神之樂也。聖多瑪斯稱聖體爲神樂之源。領聖體。猶之就源吸飲。厥味甘。

聖體月二十一日

九十二

飴。耶穌嘗謂聖女德肋撒曰。昔我忍苦流血。今汝
飲而樂之。予自思維。領聖體未覺其樂。或覺而不
甚。大何也。求之未切。靈魂未淨故也。此後將加意
預備。庶能仰合聖心。密與之相契。凡有閒暇。輒往
拜聖體。求其慰藉。如聖嘉祿鮑老梅自述云。我福
在領聖體。或禱於聖體臺前。

二十二日

耶穌在臺極愛

耶穌愛聖父

論耶穌爲天主。與聖父同性同體。其互愛之情。大無限量。以耶穌人性言之。聖靈愛主之情。遠出衆神聖上。如欲以耶穌之愛。比衆神聖之愛。猶以大洋比一勺水。以燎原之火。比于一炬。相懸不啻天壤。顧如此極大之情。耶穌在天有之。在聖事中亦有之。故常在祭臺。日夜不去。而聖心中情意大熾。炎炎不息。聖父見之。能無大快。忻然曰。此乃我愛

子。快我意者。我卽以耶穌在臺之愛。上獻聖父。補我虧缺。并求聖父。視耶穌之愛。賜我愛德。熱我冰心。嗣後事事爲主。不敢稍順偏私。

耶穌愛善人

古經云。別無大國。有近卽之主。如我主之近卽我。此言天主特愛如德亞人。任其隨時往禱也。今耶穌在餅形下。近卽信人。至親且密。試問何所取而爲然乎。曰別無所取。欲遂其愛而已矣。聖教中善信之人。靈魂無大罪。爲耶穌淨配。我主愛之。異常

親切。職是之由。耶穌聖心。恒以善信人爲念。諄諄告諭曰。我愛汝。如聖父之愛我。又曰。汝視我心。如何愛人。又曰。生母尙能忘其子。子則終不忘汝也。嗚呼耶穌。我獲罪甚多。詎應見愛於爾。但念爾慈善至極。懇卽納我於聖心中。洗我罪。治我病。加我神力。賜我愛爾日深。

耶穌愛罪人。

天下罪人之衆。屈指不勝。如外教異教。與夫聖教中。存心冷淡。重犯聖誡者。皆罪人也。耶穌降世。原

爲拯救罪人。故與罪人交。殊形密邇。或至其家。或與之語。或偕其同食。或治其疾病。或設亡羊敗子等喻。明其憐愛之心。行近日路撒冷。念民衆昏迷。流淚如注。其死於十字架。亦爲代補人罪。今在餅酒形下。憐惜之情。何嘗稍減。每見世人迷於惡。犯罪如飲水。喚之導之。力挽之。而必欲其悛改。吁。至仁耶穌。予亦罪人。謝爾助我改遷。卽求赦我往罪。加我寵佑。俾得多助人靈。仰慰爾聖心之苦。

二十三日

聖體爲聖寵大源

聖體蘊積聖寵

論耶穌爲天主。實萬善之所由生。聖寵皆在其掌握。論耶穌爲人。美妙無雙。受寵之多。遠出衆神聖上。論耶穌爲救世主。曾立無限功勳。代人出資。購得恩寵無算。以施於衆人。據是以思。耶穌在餅酒形下。携有恩庫。取之不窮。用之不竭。先知依撒意

曰。汝汲水於救世主泉中。水云者。聖寵是也。猶言
耶穌五傷中有聖寵在也。吁。至聖耶穌。我信爾在
臺。備有恩寵。予靈渴。願得活水以飲之。爾體血乃
活水之源。望速降我心。解我渴。賜我飽飲恩波。
聖體賜人聖寵

按聖教定論。聖體入人心。苟無阻碍。必與人聖寵。
增信望愛三德。及聖神七恩等。其寵亦助佑靈魂。
生發諸德。感愛德。發愛主之情。與主相契。願顯主
榮。感敬德。欽拜讚美。感謝天主。祈禱益形懇摯。感

智德。使靈魂知天主之尊。訝異其美妙。明悉其至理。感謙遜聽命等德。各發其應有之情。功修藉以日進。聖西彼良嘆曰。聖血之爵。何其尊哉。飲而醉之。何其福哉。醉之則忘往事。進前程。厭世味。鄙貨財。直置身於十字架上。聖人之言如此。我靈其三復之。

聖體願錫寵恩

聖經上耶穌云。汝曹勞瘁。仔肩重任。咸來我前。將有以補汝力焉。斯言也。耶穌於聖事中。時時道之。

蓋聖心愛人至極。知信人身神多難。望其來禱而助之。耶穌嘗告福女瑪加利大。亦謂聖心中。蘊有仁慈恩寵。成聖救靈之寶藏。切願付畀於人。今聖心在聖體中。聖寵寶藏。亦在聖體中。豈有求而不得之理。無如往求者寡。而耶穌施恩之願未遂。可敬亞爾代來斯。嘗見耶穌在聖臺上。手執多寵。左顧右盼。欲得願受者而與之。然而願受者頗罕。愚哉信人。碌碌何爲。盍求無價聖寵。而偏專心於俗事也。至慈耶穌。我需澤殷繁。勿待我有功而後錫。

然慷慨施與。遂爾願賜之心。

二十四日

聖體結合人靈

結合之舉極尊

聖父生聖子。以已性命才能。萬德萬善。一一傳之。遂致聖子受生。與聖父同爲天主。與聖父共其智。共其善。共其聖。共其能。共其旨意。共無始終限量。

是爲聖父聖子獨有之結合。受造者萬萬不能肖似。雖然。耶穌曾云。食我者因我而活。猶聖父遣我。我因聖父而活。是耶穌以聖父之合己。比於聖體之合人。言詞痛切。無以加矣。願不特言之切。而實有相似之情。凡人領聖體。得耶穌之性命。與耶穌合志同意。不啻相合爲一人。噫。吾主伊誰。我人伊誰。主與人竟互合乃爾也。至愛之耶穌。因爾願與人結合。懇卽降我心中。宛與我二而一之。如爾與聖父爲一。

結合之效極大

聖體合人靈。譬諸飲食入人身。飲食入人身。自變爲血。聖體合人魂。則人靈被化。肖似耶穌。法其謙遜。聽命。忍耐。良善。愛主。愛人。諸德。聖保祿稱耶穌爲再祖。曰再祖降自天。是天人也。再祖爲天人。其子裔不亦爲天人乎。福哉信人。每領聖體。超然物外。不與凡品埒矣。予罪人清夜思維。愆尤累積。安得聖體重臨。一洗生平舊染。化我靈爲清潔都麗之靈。嗟夫耶穌爾其允之。

結合之喻極妙。

耶穌曰。予乃葡萄樹。汝曹爲枝。誰在我。我在彼。生菓殊夥。此耶穌言與人靈相合也。聖體入人心。宛若葡萄樹一枝栽植心中。將靈魂三司。攀而近之。接而合之。以聖善諸德。傳於三司。如樹幹膏汁。通於枝葉。旣而三司發花菓。卽善念。善行。及一切超性事功。其爲花。悅天主之心。其爲菓。係常生之福。按耶穌在心。不特爲樹。又爲園者。園者之責。剪贅枝。削叢葉。耶穌見人靈魂有偏情。細過惡習等。默

爲指責。務使去之。吁。至聖耶穌。予靈多罪。嘗爲斷
枝。今幸痛悔前非。恭領聖體。尙求加意培植。卒能
見爾於天堂。

二十五日

聖體爲常生真據

耶穌許人常生

耶穌曰。此乃天降之糧。食之者不死。又曰。誰食此

糧。永遠生活。又曰。食我體。飲我血。將獲常生。至末日。予復活之。凡此經言。明徵聖體爲常生之據。信人善領之。不特靈性歸天。永承天福。而肉身亦得復活。恒昭耀於天廷。幸哉。罪人也。而有升天之望。予一生多罪。天主未棄。且以聖體堅我望。何德如之。雖然。升天之福。最不可決。從來善其始。而惡其終者。不可數計。按教中定論。善終之恩。出自天主仁慈。不可立功以得。然則無論何人。雖曾立大功。成大德。亦當深慮。恐不得升天。況予罪人乎。我靈

思之。今有何過。觸天主怒。宜速改悛。毋遺後悔。至
仁耶穌。爾以愛我而受死。又以愛我而居餅形下。
借令一旦絕我。不亦虛爾願。辜爾恩乎。因懇專念
爾慈。引我卒獲天福。

聖父賜人最大之據

古有國王。與鄰邦立約。欲示其言之信實。以太子
爲質。天主許人常生。直以聖體爲據。聖體非他。聖
父之子也。其爲質。大莫與京矣。蓋聖父所愛。惟耶
穌爲最。天上地下。與聖父同尊者。亦惟耶穌而已。

乃聖父以耶穌與我人。不已盡所有耶。聖奧斯定
訝異聖體之恩曰。天主雖全能。欲更大其賜不能
矣。天主雖全智。欲更大其賜不知矣。天主雖至富。
欲更大其賜無有矣。竊念聖父洪慈。以至大者與
我。其餘恩德。如赦罪。施寵。宥罰等。皆小於聖體。豈
有不肯之理。聖保祿云。聖父不恕其子。爲人置之
死地。他恩不與聖子同錫耶。職是之由。我堅望升
天。并望所需諸惠。皇皇聖父。謝爾洪恩。卽求加我
神力。助我守誠。終身善行爾旨。卒與諸神聖謝爾

於天。

耶穌許賜人最大之據

耶穌許人天福。以己體爲據。亦已盡所有矣。何則。聖體中。聖血在也。聖靈在也。天主性亦在也。無窮之功。聖寵之庫。極慈之心。無一不在也。其居聖臺上。與人類同久。與世代同休。慈惠至此。尙何言歟。至愛之耶穌。爾爲我開天門。閉地獄。又復親至聖臺。時常扶佑。必欲我升天而後已。爾心之仁。何其大哉。我賴爾聖心。望爾加佑。俾得除絕罪過。日積

功勳。至審判日。見爾慈容。納我於天府。弗聞爾震怒之言。曰。爾其去此。至永火之中。噫。如聞此語。將如之何。

二十六日 聖體爲升天妙法

聖體蘊救靈要助

人欲救靈。有二要焉。赦免往罪。一也。保存聖寵。至

死不失。二也。聖體雖非赦罪聖事。然間時亦赦大罪。而赦小罪則爲常事。況天主旣赦罪過。又賜人領聖體。猶國王宥逆臣之罪。重准登朝。與之飲食。是赦書先發。褒寵重來。臣心豈不大慰。況聖體施人寵佑。壓制私慾。驚拒邪魔。引人樂行善事。助人全守聖誠。善其生。兼善其終。所謂救靈要事。盡於斯矣。噫。幸哉。凡我領聖體。實有此效。可不感謝。聖心常賴其慈佑。聖體給人升天之據。

聖保祿致厄弗蘇人書。稱聖神爲我人業產之質。致哥冷多人書。謂耶穌以聖神賦人心。爲其許約之據。然則聖神合人靈。固天福之光幾也。但聖神合人靈。藉聖寵與愛德。而聖體施寵增愛。遠逾他聖事。則天福先幾。錫自聖體者居多。我靈於此。訝異天主愛人。何竟乃爾。前發聖子降世。受苦贖人。今又發聖神居人心。主持其意念。捍衛其危機。堅定其向望。吁嗟聖神。我敬爾謝爾。求爾居於我靈。規我過。扶我弱。啓我愚。使我愛主愛人。常行超性。

事功。卒獲天堂眞福。

聖體連合神聖世人

耶穌曰。爾曹至我國。與我同席飲食。此耶穌以天福比盛筵也。按天福與盛筵。固有所相似。在天堂上主席者爲耶穌。坐席者爲天神聖人。耶穌醉之以福。飽之以樂。充其願。盈其量。悠永無彊。弗患或失。我人領聖體。不特與吾主同筵。且以耶穌爲羞饌。是天人世人同親一主。同叨一主之情。不亦福哉。聖女德肋撒升天後。嘗現於某修女曰。我儕在

天。爾等在地。若果清潔愛慕。不啻一體相關。惟我
儕福而爾等苦耳。我儕在天。享見主性。爾等在地。
得享聖體。其義正相通貫。聖女之言如此。可知我
人拜聖體。或領聖體。與天神聖人。同飲恩波。同沾
恩露。何幸如之。嗟爾神聖。爲我代禱。使我在世忍
苦。不久得至天堂。與爾同讚恩主。

二十七日

聖體使人因耶穌而度活

聖體化人性命

耶穌曰。食我者。因我而活。此言聖體增人超性性命。將本性性命。擢於超性之等。譬諸火。透入鉄中。則冷者熱矣。暗者明矣。非火變爲鉄。然鉄改其性。肖似火之性。我人領聖體亦然。領之善。則耶穌之命。益入人靈。異常深切。於是天主愛之。天神悅之。聖人羨之。儼然在天地間。成一肖耶穌之人。嗚呼。我主爾。愛人極矣。予罪人一生多過。醜惡難堪。安

得善領聖體。變化我靈。亦能悅聖三之意。
聖體變化人心。

美樹必生美菓。此自然之理也。聖體增人超性性命。必使人發善言善行。善念善情。如樹之生菓然。聖老楞佐儒斯定曰。屢領聖體。增愛德。忍勞苦。喜行善。知拒誘。敏慎進德。忻勤酬應。但此諸功。非瞬息遽成。亦非聖體獨力。人宜各自奮興。勉承主佑。一舉而主與人共擎之。斯克竣事。我自思維。亦嘗奮力耶。世俗之見盡去耶。耶穌德表。常存心目。

果能謹言慎行。意念不敢偶疏耶。噫。我心若荒地。不生菓而荆棘蕃生。求耶穌速降我心。出大力以化之。

聖體引人愛耶穌

自來聖善靈魂。藉聖愛以度活。聖經述善靈之言曰。我因愛而疲矣。此聖愛之命。聖體實與之。可敬臥林標云。炙熱人心。莫如聖體。聖若望金口謂聖體如紅炭。燃灼人心。按火之性。燒燥物。不能入水。聖愛亦然。人靈必先潔淨。無罪過錮蔽。又無私情。

聖體月二十七日

一百十七

偏愛雜於中。乃聖體降臨。遽爾灼熱。否則冷淡相
將。雖屢領聖體。亦不覺聖愛猛熾。噫。斯正我素患
之病。不可救藥者。耶穌乎。爾是天主。天主火也。如
必待我自奮。恐此生無愛爾之時矣。求爾以聖心
愛火。射入我心。一焚從前積惡。乃可變冷爲熱。此
後常爲愛主而度生。

二十八日

聖體安慰信人

聖體慰人於平日

耶穌在世。常慰人憂。其幼時之事。聖經記載未詳。而傳道之年。南北東西。周行通國。無往非慰藉民人。如活死子。以慰寡母。活辣匝祿。以慰瑪大肋納。治百恙。以慰患病諸人。死後復活。仍以慰人爲己任。故四旬間。反復往來。安慰聖母宗徒。及羣弟子。今在餅形下。聖心慈愛依然。信人往求之。則心快焉。神舒焉。憂消焉。惑解焉。魔誘退焉。神力增焉。我

靈自省之下。豈無煩悶之時。亦往聖體前求慰耶。
抑馳心外務。或與朋友語。思得解悶耶。真樂惟耶
穌能與。不求聖體。求於他人。愚甚哉。至仁耶穌。我
信爾在臺。將我心中憂慮。一一默告爾聖心。懇卽
垂允所求。賜我蒙慰而退。
聖體慰人於難中

古聖若伯以人生比當兵。誠以世人多難。若臨陣
然也。聖保祿曰。凡欲因基利斯多熱心度活。必將
忍受艱難。由是以思。除日常困苦外。信人又多兇

患。或出自他人。或來自魔鬼。或在本身。如疾病等。是際此逆境。求聖體必能蒙慰。聖保祿嘗自述云。基利斯多之難。加我殊多。然藉基利斯多。獲慰亦極大。前聖如方濟各沙勿畧。方濟各玻爾日亞文。舍斯辣味增爵等。日夜屢拜聖體。有難必求聖體。其臨大難而不致隕陷。聖體助之也。我罪人亦有多難。最大者。一生罪過。將求聖體垂憫。赦我罪。兼慰我憂。

聖體慰人終時

人至臨終。爲一生最大危機。當是時。心志昏迷。全身疼痛。平生罪過。盡在目前。不知曾否蒙赦。加以邪魔來誘。恐嚇多方。苟無天主矜全。失望甚屬。易耶。耶穌知其然。賜人臨終領聖體。親入人心。慰其憂苦。堅其向望。助其善終。按此時。降格之耶穌。卽他時審判之耶穌。病人慘悔求憐。耶穌必肯恕宥。聖女德肋撒病已劇。見聖體至。猛奮精神。坐起禱曰。吁。我淨配耶穌。予願死久矣。今屆其時。將與世長辭。恒享天福。無阻障。亦無終窮日矣。予罪人過。

惡深重。曷敢預卜升天。第賴耶穌洪慈。望其赦宥。
吁。至慈耶穌。爾在聖臺上。原爲愛我。予恐臨終時。
不能祈爾。因預懇賜我善終。昔汝赦右盜之罪。許
其享福。懇賜我臨終前。發上等痛悔。庶得速至天
堂。永遠愛爾讚爾。

二十九日 聖體涵蘊諸奧

聖體涵信德諸奧

教中應信之道。以二端爲最。一爲天主一體三位。一爲天主降生。結合人性。耶穌向聖父云。認爾獨一無二之真天主。及爾所遣耶穌基利斯多。是卽永遠生命。此數言。總括信德大綱。今耶穌在祭臺上。實蘊此義。何則。耶穌天主聖子也。我人敬聖子。往往念及聖父。敬聖父聖子。往往念其共發之聖神。故敬聖體而兼及聖三。事至妙也。司鐸成聖體。行不流血之祭。追念十字架上流血之祭。則見聖

體而十字架苦刑。如在目前。按救世大功。成於十字架。而其防行。猶在耶穌受孕之時。旣而誕生馬槽。居納匝肋。傳道三年等。皆救贖之功。然則念聖體。而觸目會心。憶主童年景況。壯歲言爲。其藹然可親之態。一若神相接而聲相聞。妙哉聖體。我感謝天主。賞此大恩。願長跪聖體前。默念其一生事蹟。吁。至仁耶穌。爾在餅形下。知我在此。懇卽啓我味。激我情。使我哀哭前愆。與爾聖心結契。聖體蘊望德諸奧。

信人各具望德。所望乃二事。一爲常生。一爲超性。恩寵及助人得常生之惠。聖體在人間。正許人常生。靈魂永享天榮。肉身亦得復活。且聖心中多備神恩。分與敬聖體與領聖體者。予自問多罪。恒畏地獄。乃耶穌許我升天。并許我誦佑。尙何慮歟。至慈耶穌。爾往者代人冤死。大開天國之門。茲又臨格聖臺。傳流德澤。我願天地萬物。咸來朝拜。同聲謝爾。我切望升天。無善可靠。求爾聖心憐之。聖體蘊愛德諸奧。

愛德見於二。一愛天主。一爲天主愛人。二者惟聖體立極則何也。聖體中聖心在也。聖心愛天主。一念之情。逾衆神聖之情遠甚。况聖心愛天主。瞬息無間也。聖心愛人。亦熱切殊常。炎炎如火。并以己之愛。分與信人。如聖經上耶穌云。我來降火於世。所望惟燃灼而已。自來善信之人。大都相親相愛。若同具一心。同具一靈也者。大聖如保祿。方濟各等。愛人心切。忘己困而惟思援救多靈。試問誰與之愛。懇摯乃爾乎。其愛出自聖心。由聖體傳之者。

居多。嗚呼聖心。聖三之殿。聖愛之窩。求爾灼我心志。亦能愛天主愛人。

三十日 聖體守護教會

聖體保存教會

耶穌嘗與宗徒渡海。大風作。猛浪顛簸。舟將傾覆。諸徒驚怖。耶穌寐於艙中。迨諸徒呼救始起。命風

浪頓平。按此舟。教會像也。風浪。患難像也。教會常遭困厄。內外被攻。如魔鬼惡計。匪類奸謀等。在在都有。無時或息。然伊古以來。聖教不滅。何以故。耶穌恒在聖臺。默爲扶佑也。其跼躅於餅酒形下。似當日寐於艙中。信人往呼之。則力爲伸佑。以故風波頻起。聖教恒存。我謝天主保護教會。賜我入教。受種種洪恩。聖女瑪達肋納巴齊。以受洗入教。爲第一大恩。斯言洵不誣也。但我辜負主恩。未務修德。將何以報天主乎。噫。

聖體光照教會

聖體光照教會。一在立表。一在堅人信德。一在保護真道。耶穌在生立表。多不勝言。今在聖事中。又復立表。令人取法。如謙遜。忍耐。愛人。良善等德。無一不造其極。靜言思之。聖體德光遠大。我人仰視未能。惟有俯首自慚而已。耶穌居餅酒形下。爲至難信之事。卽爲信人發信德之大端。我人每望彌撒。每拜聖體。必寓信德於其間。是亦聖體光照教會之一法。聖體保護真道。在默牖教中尊長。攻斥

異端教授經旨。俾古今一致。無謬論混真傳。子於此感謝聖體。卽求寵照我心。常以聖道爲明光。事遵道而作。人苟臻此。立功大矣。進德速矣。至臨終時。無後悔矣。然我平日所爲。豈其然哉。

聖體護助教會

聖教會之責。引人敬主救靈。行善積德。未入教者。勸其從正。闢邪。與信人同歸天棧。溯自聖教初建以來。傳日遠。化日增。美舉紛如。聖賢疊起。善信不知凡幾。德士實繁有徒。每日升天之靈。不可屈指。

數。試問誰爲默運。而成如是大功乎。默運者。非他人。卽餅形下之耶穌也。昔天主用結約櫃。助如德亞人禦禍攻仇。行至樂土。今天主用聖體聖事。助聖教會易俗移風。擢萬民於天域。嗚呼。聖體之恩。誠大矣哉。我今跪伏聖堂。求耶穌自臺伸手。挈我脫罪。提我心神。使我活於世。不戀世物。若置身於世外者然。

24

404044

(107)

404044

(107)